

張文定公四友亭集

張文定公四友亭集卷之十四

七言律體

九月十一日巡南京外城

遶遍鍾山路未遑漫於公事領清遊  
即看九日已無菊  
那得三農更有秋  
回首暮雲瞻王署  
洗心澄漢捧金甌  
長空落木蕭疎甚  
欲採胡麻不自由

九月十八日閱江操

距霜開處水淙淙  
伐鼓敲金臨大江  
旗纛映空分隊隊  
艤艫拂曙起雙雙  
纔停白羽詩擬掣  
不見黃花酒滿缸  
四十年來依俎豆  
強從軍旅事南邦

九月廿四日巡視內城 二首

樓堞驅馳十里強始看青祖上扶桑黃食  
憂民會有蠲租詔坐遣南車送越裳  
漫道秋高草木黃大江終不似蕭湘  
聖皇畿甸東南麗

神祖園陵日夜蒼映海晴巒千雉堞夾江烟樹萬蜂房  
心欲補天曾鍊石要看終古覆無疆

壽表親母汪氏七十

復之大尹配

慈壽傳聞屈古稀高歌白鶴寄南飛丹崖曉動瑤池色

赤堊晴流寶婺輝  
桂樹並榮青玉案  
花封猶馥紫雲衣  
吹簫仲氏來甥館  
時聽清音繞翠微

張水南學士置酒徐氏西園招予及諸公宴集

二首

偶共仙翁作勝遊  
鳳臺雲物正深秋  
詩成白雪寒侵骨  
酒到黃花插滿頭  
亭榭幾重繁竹澗  
闌干十二抱椒丘  
帝城園藪清如許  
深樹鳴禽落晚稠

江郭名園幾度遊  
又從仙侶賞高秋  
烟巒數點夕陽外  
鴻鴈一聲天盡頭  
斑竹林塘思帝子  
黃花籬落對浮丘  
主人賸蓄如泉酒  
試聽金絲入夜稠

中秋齋宿翰院對月懷儼山宮詹

秋風嫋嫋動長安銀漢無雲碧海寒星出高槐知漏永  
露擗豐草覺衣單澄沙似水環青嶺紅葉如花擁畫欄  
最好玉堂今夜月與公分倚鳳樓看

送直齋屠良植太僕之滁州

白璧人間不可疵性天原自洞無私苦心冰鑑畱蹤處

直齋爲文選既過當遷之期適  
予掌部倚賴方殷又畱數月云照膽天曹遜跡時  
予辭  
堂策直齋爲龍寶遠吞諸壑美釀泉寒浸兩峰奇欲從南去  
無由得惆悵都城感舊知

送黃久菴宗伯歸山

幾上燕臺望越州  
羨公真得到園丘  
經綸未展平生志  
邊鎮猶傳宿昔謀  
瀑布鴈山高瀉月  
石林龍窟迥涵秋  
仙巒共護尚書宅  
他日來尋地主遊

送張雙溪侍御按陝西

橋門授簡訝非常  
霄漢臧題倍有光  
鷺羽欲臨青嶺障  
豸衣先耀白雲鄉  
秦中久被征徭困  
邊塞惟餘草樹蒼  
會喜激揚風紀肅  
碧梧秋霽起鸞凰

壽對里陳妹丈六旬初度

幾回京國想容輝  
見說年來步似飛  
華髮已偕吾妹老  
素心偏與俗人違  
輕風鳥弄傳歌席  
霽日花枝映舞衣

厦屋大田喬樹裏小舟何日傍漁磯

東閣書懷

畫長高閣靜金鋪十載銓曹愧兩都豈有經綸資燕翼  
虛將名迹忝龍圖神仙署冷溫藜火閭闔風高縱鳥鳬  
頭白齒搖歸未得不禁清興遶江湖

枉渭厓宗伯和荅東閣書懷之作走筆復之  
前水花盆沼錦雲鋪過雨新涼徹上都功到格天稱至德  
人於康世見雄圖身輕自許終披鶴頸短何煩更續鳬  
有第鄉園頻報我已栽花竹遍槎湖  
雨後莎茵翠密鋪柳風和露淡

神都移身玉署迷時好留意金甌愧遠圖老去有懷癯  
似鶴年來多病懶於鳬竹籬茅舍明山麓欲與

君王乞鑑湖

五雲樓閣錦平鋪二百年來此

帝都拱極河山開罨畫際天洲島入輿圖常將村巷希  
槽驥不以機心動海鳬衰病

主恩酬未得幾嗔飛夢落西湖

再疊答渭厓

二首

玉書綰帙近前鋪

九廟諸壇儼



聖都禮樂百年何啻足阜康今日正堪圖樓雲盡棟雙  
雙燕流水長河片片鳬肉食禁垣心轉戚頗聞凋瘵滿  
荆湖

西來空翠爲誰鋪粧點乾坤壯

王都自愧軒乘虛厚感難教藿食議洪圖郊寧

詔振桑林羽鎬宴人歌旣醉鳬范老岳陽憂未解肯於

廊廟改江湖

予提學湖湘  
嘗十過岳陽

第七子彌月

塵途三紀髮毛新笑撫嬰兒向老親鄧禹詒謀惟藝術  
竇郎陰德歎清貧玉街涼色烟霞曉御苑恩輝草樹春

甬水緒承綿竹遠

南軒先生  
蜀綿竹人

只留心地作家珍

賀介溪宗伯新

賜麟袍

麟袍新賜眷彌隆  
渥露光搖帶玉紅  
瑞氣九霄

龍袞合德輝  
千仞鳳韶通  
司春事與文相屬  
華國身看  
服更衷  
况是振振宗  
姓日好將周  
什和虞風

一齋李翁雙壽

海上華堂酒滿卮  
碧山新霽轉涼颼  
平生報國老終見  
此日過庭人自奇  
瑤席捲簾天駐景  
綵衣籠錦日重熙  
辟纁勞婦今愉翟  
應共仙翁一解頤

洞庭湖

百川奔注勢如傾  
涵納無涯運量平  
深酌黃流天下煖  
淺斟玄酒萬方清  
波迴岳麓功非小  
浪拍君山力自輕  
千古不灰神禹廟  
蒸黎何以答平成

登拜嶽亭

纔上高峯眼自醒  
雙鴻得意展秋翎  
雲中下見王喬舄  
樹裏平看傳說星  
影浸湘江窮地碧  
勢連衡嶽極天青  
古來閭道名如日  
誰向岩厓費勒銘

秋日試太學諸生

碧山書院枕江流  
萬國英賢此息游  
好雨乍收三伏暑

高槐先送六堂秋龍煙集處翻河漢  
垂葉聲中動斗牛  
漫憶昔年雲錦段天孫親贈鳳池頭

戊寅十月十九日桂陽州奉懷老母誕辰

自乙亥到

官比四進誕辰邦  
詩皆在遠境

從辭金馬下星沙  
桂水湘雲憶舊衙  
寸草極知春似海  
羈途誰念思如麻  
年華荏苒偏驚客  
王事驅馳敢顧家  
早晚投簪應自慰  
潘輿長許侍萱華

衡山會嚴太史見遺詩韻

戊寅十月廿六日四首

薜芷岩華幾興濃  
楚江燕水寄無從  
星河路借湖南出  
天上人疑夢裏逢  
帝子乘雲歸暮竹  
神仙呼鶴下寒松

十年此地如修約把酒看山莫厭重

桂嶺旋車毒霧濃祝融晴樹喜追從風塵十載不相見  
人世幾回能此逢湘水未湏悲屈賈瀛州仍許挹喬松  
請君今夜莫辭醉來日雲程知幾重

虛堂寒月酒卮濃却憶金閨昔過從京觀幾同瞻

黼袞湖山今獨敞章逢相如自夢西垣草元亮真憐故  
國松聞說翠華消息好洞庭雲結思重重

五到衡山空興濃火雲冰壑歎誰從良緣似向前生得  
勝友仍於此地逢紫蓋峰頭催送酒匡廬山畔約巢松  
使君自比子長思湏了臨烝路幾重

自郴桂還至衡山連日曉霧四塞近午乃散予  
以十月廿六日至山下齊宿將以次日祭廟  
登山竊念若得曉霧不作縱觀列峯實一快  
事第連日勞擾吏事恐一時誠意未足以動  
神靈至日偶值天晶氣清層翠如洗因再次  
前韻

連日紛紛曉霧濃人心初動嶽靈從滿空澄翠晨暉發  
萬里佳期舊侶逢霽霽高懷歸素月開雲精魄寄寒松  
我來未敢希前哲偶拾天南翠幾重

送陸東川之官親藩無歸省覲

相見京華絕幾旬。又看征騎逐紅塵。烟花正拂春風細。  
雲錦重霑雨露新。瞻闌夢飛千里。月上堂歡動百年。親  
鳳凰山外。盱江碧。五夜銀潢映玉宸。

大龍驛與武陵諸生夜坐

桃華源上雪華飛。向夕携尊躡翠微。仙境暫留漁父宿。  
蓬山思逐羨門歸。春風欲動芳洲色。簷月猶疑棗萼輝。  
秉燭不妨頻見友。百年知己會應希。

戊子春予赴春坊

召命會故人。馮子和。水部于呂梁。比至德州得邸報。承  
乏南雍。以仲夏之望再會予和。賦此。

掛席彭城今幾旬。水曹燈火又相親。周游險道真應熟。  
邂逅同心不厭頻。雨後青山塵外景。天南黃鶴夢中春。  
詩篇最憶玄暉句。空向澄川月色新。

邀光祿劉毅齋諸公壽叔祖葵軒公于憑虛閣  
席間聯句又各次韻

尊前秋影落高梧。鷺嶺風烟樂事俱。節過重陽纔見菊。  
地逢奇勝且囊萸。離宮別殿今何在。芝草琅玕夙所圖。  
猶有白雲千里隔。度江來日更相娛。

正月十四日登木末亭

陰寒江左動蕪旬。此日晴探木末春。歌過流雲天萬里。



張氏公詩集卷之四  
八  
氣凌飛鳥酒千巡  
星橋碧殿歡何在  
舞柘傳柑事已陳  
風磴絕憐修竹裏  
夕陽禪刹更留賓

送白樓先生

殊階崇績古稀時  
第幾辭章又

玉墀霄漢百年真  
稅駕乾坤萬古一  
游絲魚吹碧水搖  
遲日鶯喚青春過  
北枝震澤中心洞  
庭曲月明仙舫醉  
還移

和費鍾石送弟詩韻

客鄉金玉許誰羣  
忽謾江天鴈影分  
夜榻不經三月雨  
春船聊逐五湖雲  
池塘碧草重回夢  
瀛海銀魚豈浪焚

黃閣勲名家世物眼中常棣更華芬

天游陳京兆年兄得允致仕賦詩見示次韻

聞說歸來已賦詩  
麥秋膏雨正郊畿  
駝峯尚憶陪春署  
雉羽親瞻下玉墀  
野外風煙行樂處  
庭前花竹醉吟時  
年華二紀輸

王國解組餘生是所私

壽梁竹村先生

九月五日

桃源風景是仙鄉  
甲第家聲舊屬梁  
氣合皋蘭追遠古

詩聯雲竹照清湘

家祖彌東皋竹村先生尊翁翁彌友蘭有皋蘭唱和藁家父洞雲府君與竹

村同寓湖湘有雲竹唱和集

五千遺卷餐俱盡  
七十年華樂未央  
羸

海暗通罌脰水極星高燭薜蘿墻

贈應文華先生

風神秋水濯瑤環璩聲名滿世間門外曲渠通碧海  
苑中啼鳥悅青山雨收簾幕青春好華覆琴書白晝閒  
曾有蒲車臨鄭谷鳳池行聽佩珊珊

己卯夏四月與同寅惲功甫汪榮之二憲副黃  
文之少叅同至襄陽予先發約竣事還遊武  
當

故人應醉白銅鞮獨坐輜車下水西顧盼不遑山百轉  
謳吟無地鳥羣啼烟中樹色寒疎雨竹外華枝映淺溪

紅日下春春寂寂共誰携手蹋沙堤

雨後發舟鄖溪將登武當

時以巳卯春正月出巡黃梅四月終西至

鄖陽乃從東行往返三千餘里

昨過黃梅梅未黃黃梅時節下鄖陽羊腸不斷客心苦  
鳥跡以來人事忙風捲山嵐迎遠旆雨添溪水送輕航  
麋城喜有同袍約共振征衣萬仞岡

石首夜分司聽雨

長途終日苦勞形夜雨山城傍客鳴萬里天顏飛夢杳  
一江風色巨舟橫隨陽有路憐鴻跡遶樹無枝怨鵲聲  
記得十年霄漢地王書親捧入承明

上巳日周玉巖司寇拉遊蔣山枉詩見惠次韻  
郊行長爲簿書遲勝友壺觴已翠微夾路桃李迷入洞  
傍溪鷗鳥憶臨沂松陰坐久還移席草色春深欲染衣  
紅日下春湖水碧石橋齊蹋彩霞歸

春日邀諸翰長會錢東橋先生于鷄閣分韻得  
開字

霽日方山翠滿臺故人相見各憐才幾傳京國新詩句  
聊盡東南濁酒盃此夕惠風酣浙水它年膏雨渥天台  
大江春盡平如許會見舟航次第開

郊齋次紫巖冢宰韻

二首

禁城楊柳欲垂絲

聖主親將大輅時  
雲拂紫宮雙彩佩  
日臨黃道幾華旗  
條風擬應人多福  
瑞雪先占歲不饑  
遙想穆清通帝德  
五方靈貺

九重知

翠壁修篁映小齋  
翹瞻

宸極正虛懷  
靈壇夜月趨羣辟  
清蹕春風靜六街  
明水自聯蒼壁瑩  
黃鍾猶與上辛諧  
由來一德

天心格霽日  
卿雲處處佳

送楊菴都憲致仕

鄉園分祿仍城闌弱冠霑

恩到白頭春渥江南收霑澤霜清寰海罷行秋儒紳共  
羨完歸璧雄傑多危末路輶一片青山百壺酒始知京  
國有丹丘

庚寅正月初九日夜雷十一日大雪次貞菴司

冠韻

雷動江南暖氣回卻驚何處雪飛來春聲已振千江蟄  
凍色俄封萬壑梅神雀集餘頻紀瑞祥麟獲後獨書災  
杞園凜室空紆思猶有調元屬上台

次貞菴司冠遊清涼山韻

春來佳興在青山况是禪林夜不關下界塵廬蒼樹裏  
上方鍾鼓翠雲間良辰莫負千尊綠浮世今看兩鬢斑  
桃李蹊邊空自擾萬金難買一心閒

次韻谷有涯雲龍觀之作

石脉潛包楓樹林畫長仙洞發鯨音捲簾飛閣青山滿  
透葛輕風碧徑深江上白雲游子意眼中華髮故人心  
兩都今日盧龍地並是黃旗紫蓋臨

送周王巖進表之京

蓬山宮闕霽祥輝南國名卿覲  
紫微華髮坐臨千嶂迥畫船高挾五雲飛葵心捧日日



常照龍德稽天天不違金鏡九霄將冊罷會看  
恩露滿朝衣

雨後觀漲

次韻荅久菴宗伯

蕪句乍歇江皋雨三伏深便枕簟涼楊柳渠塘通活水  
芙蓉池閣靄斜陽靈槎坐憶銀潢遠蓬島堪憐玉樹長  
莫謾臨流動歸興眼中民瘼可能忘

哭鄭鹿門大理

次林小泉司馬韻

鍾陵西望楚天秋何處風煙鶴駕游木葉瀟瀟下漳浦  
浮雲漠漠掩巴丘愁填關塞頻年隔老恨乾坤一見休  
峴首鳥啼鹿門冷月華空滿仲宣樓

雨華臺

次非泉大司徒額

形勝東南說此邦  
登臺風物果無雙  
雲邊塔影層層寺  
樹裏潮聲面面江  
酒到愁圍應自解  
興酣詩壘定誰降  
眼前飛雨紅凌亂  
笑引洪厓一駐幢

清涼山

次華泉額

何處城堙却  
有山偶隨仙侶過  
禪關三江繚遶青天外  
萬屋縱橫綠樹間  
有此風烟聊拾翠  
曾誰毛髮解逃斑  
年來案牘埋頭甚  
珍重幽亭半日閒

送戴姑丈之官沔陽之茅鎮

夢中荆沔憶多年  
送子西行思渺然  
黃鶴樓前秋聽笛

白龍湖上晚移船鄉間儒雅推先輩家世簪纓及後賢  
茅鎮月明蘆雪滿鴈行斜界郢南天

葑港墳墓

次東洲林韻二首

小港輕舟帶雨收茅菴相會總儒流盤迴四野山疑動  
環抱雙川地欲浮勝槩從前誇舞鳳

地稱飛鳳形

先翁曾此

見眠牛

幽宅先君所自擇

天寒落日松楸瞑無限傷心去復留

頑陰兩月不知收偶榜沙棠遡碧流十里翠屏雙鳥度  
一奩明鏡片鷗浮新移老檜堪棲鶴舊植青松欲蔽牛  
寂寞草堂春晝永青簞白飯強淹留

九日登觀音閣二首

偶逢佳節尋幽事直上半空窺急湍巫峽行秋來萬里  
滄江浮月浸層巒望窮海外蒼煙地欲借天南白鴈翰  
落帽風流君不見晚潮聲裏更憑闌

日出江城煙霧消白雲如帶遶山腰長林亂灑蕭蕭葉  
溟海東來滾滾潮秋漲直應吞楚蜀霜厓殊不數金焦  
幾逢勝地仍佳節擬向月明吹玉簫

與紫巖太宰諸公登東麓閣

萬井炊煙白鳥飛高臺仙麓迥涵暉青山晚映黃金屋  
翠竹秋橫碧玉扉天靜邨砧催木葉日斜江郭抱林霏  
舊時王謝風流盡尊酒賓朋一解衣

又次韻

宮廬東望幾鸞飛形勝江南似此稀  
紫蓋黃旗輝鳳闕  
淡烟斜日映鳬磯  
羣公酌酒寔忘歸  
詩出翠微  
風物况臨重九節  
君今不醉欲何歸

次白巖韻

燕子磯高江水深  
興來今日共追尋  
隔波烟樹片山紫  
萬里秋空孤鴈吟  
復有風詩酬物色  
不勞鍾鼓答潮音  
乾坤勝槩知無極  
幾度重陽我輩臨

金陵懷古

次浚川大  
司馬韻

海外無憑問十洲  
金陵佳勝且盤遊  
晴鴻歷歷三江水

煙草萋萋六代丘此日興亡猶有恨當年歌舞豈知愁  
偶同尊酒消駒隙回首千秋思轉悠

次韻答大司馬浚川秋興之作 三首

瑤京翹首幾謳吟白日輕陰不受侵禮樂盡歸周格局  
文章都作漢聲音寒蟬故入三更夢旅鴈時搖萬里心  
何事樓船閣江浦潦收淮水碧深深

浚川夫子慣豪吟苦被縱橫筆墨侵檢草楊雄玄尚白  
撫桐陶令寐爲音堂開夜月凌秋簾捲寒城薄暮心  
幾日松煙三百斛爲君臨灑習池深

西風齋閣展新吟驪日光寒病骨侵世事陽春常寡和

客懷空谷久無音  
梅華斜橫白石洞  
峰影倒入澄江心  
却憶他年坐惆悵  
草堂涵月浣溪深

送陶醫士歸彭澤

次陶韻  
司馬韻

忽憶先人松菊園  
秋空獨鶴馭雲軒  
昔年金谷已無主  
今日柴桑猶有孫  
青龍白虎秘真訣  
黃帝素女通靈源  
匡廬吾欲拾瑤草  
幾度問君君不言

庚寅冬至郊齋

次紫巖先生韻二首

天語丁寧下鳳樓  
小臣何幸際成周

淵衷素擬通無朕  
大典新應渙有丘  
燕谷陽回氣郁郁  
海隅歡洽春優優  
遥瞻羣辟駿奔走  
霽月卿雲環

王旒

贊裸無緣共禮官  
眼中突兀想瑤壇  
繞樞星宿森分列  
捧日山河萬結盤  
陽肺暗依鍾律動  
月華斜映璧琮寒  
極知對越天無遠  
清坐江南翠玉竿

至日齋居

次繡菴京兆韻

瑤甃南郊明象緯

聖人作瀛禮  
寄玄九霄瑞氣臨  
休享萬國靈  
飈應吉蠲旦日光華瞻  
舜日赫赫文質見  
周年勉旃夙夜長  
無斁千里微衷贊格天

次紫巖太宰韻

二首



祥氛遙擁翠雲裘禮樂新將萬國柔五緯効靈先協聚  
百王遺法此全收玄機密與黃鍾應馨德仍依寶篆浮  
周曆面稽應邁卜長天一洗祀人憂  
渙彌九重嚴制作

皇圖千載卜靈長祀專

上帝崇嚴翼文紹先王闡耿光禾穎已符周室瑞蒿呼  
還協漢家祥雪梅霜竹清齋裏夢領鈞天到九章

次貞菴司寇韻

部省爐熏俗事捐幽都初見攝提旋千官共秉精明德  
萬里均瞻咫尺天壇華南郊綠古制席當宣室爲誰前

光風曙月居歆處早曜前星悅

聖顏

次小泉司馬韻

兩月瑤壇已告周八方歡動免征求

昊天清穆元無對

大聖文章自不侔雲護仙旌嚴

玉輅香浮祥靄上

宸旒懸知

一德隆冥眷杞國從今散夙憂

次韻答華石窓

二首

一從江上買幽廬碧水青山任所如  
小闢茶園聊浣俗  
遍栽芭葉爲供書  
逢春幾下徐生榻  
未老先懸廣德車  
地隔雲溪心不遠  
光風隨處足爲魚

得酒寬朋且共懽  
此身天地倩誰安  
沙頭白鳥隨緣集  
門外青山柱笏看  
細雨忽衝華徑濕  
輕陰重釀麥秋寒  
相思幾日不相見  
漫向江皋一采蘭

寶嚴寺

次舊韻  
二首

廿年幽勝廢追尋  
此日重來徑草深  
茗碗香爐晝寂寂  
竹房松院山陰陰  
溜塵不上遠公榻  
白鶴長棲支遯林  
孟度夕陽還入定  
坐看涼月墮江心

三載槎川懶出門偶臨禪刹洗塵氛堂前扞暑有深竹  
山外混天惟白雲鳥弄不知何樹裏鶴歸長在此溪汾  
芳尊石榻坐終日又上高峰乘夕薰

又次東沙井韻

江郭斜暉滌碧沙上方迢遞白雲涯山中老衲堪蓮社  
門外清溪類浣華引興壺觴消永日開襟樓閣盪飛霞  
燕京去此三千里知是何人入草麻

贈梓上人

昔日相逢俱少年重來應笑我華顛倚樓蒼壁霏霏雨  
覆院脩篁漠漠煙銀箭銅壺催送酒竹爐巖竇巧分泉

山深不解風波惡伏虎降龍任老禪

次韻寫懷二首

滄溟擬下任公釣雲漢誰縈博望槎高閣坐看江似沼  
深山頻見棗如瓜天空筆硯流虹影夜讀書檠浸月華  
塵世幾人能曠達有涯長苦逐無涯

春雨蕭疎老紫荆磽田下溪有畱耕林中果熟呼兒摘  
谷口人來聽鶴迎江郭好風催月上海樓晴日看雲行  
關門令尹今誰是隨處青牛得避名

次韻奉別父

湖上芳洲秋屨回幽林惟許阿咸陪青山幾點日將暮

黃鳥一聲春又來，濁酒且呼裘仲飲。  
新詩况出杜陵裁，今霄擬了華朝念。  
乘興期過得月臺。

和前韻二首

已見東風第幾回，酒燈詩雨此追陪。  
眼前華柳應探得，塵世功名是倘來。  
陶令葛巾存舊漉，斑姬紈扇費新裁。  
詩成短閣攸然笑，誰更文章擅玉臺。

東南烟海鶴飛回，四載湖山倩獨陪。  
雙鬟忽看金鏡改，五雲曾領玉書來。  
天桃欲向鶯簧語，短草如經燕剪裁。  
滿地物華探未足，春風相引又登臺。

夢兄

三月二十八日寅初刻

廿載西風攬鵲鵲斷腸今夜夢魂醒生兒有待承宗祏  
買石無金缺墓銘老淚幾番頭漸白孤墳三尺草頻青  
紫荊花落春猶在起佩豪曹步列星

秋日同李揮使登招寶山

次韻

偶向晴空步石梯微茫洲島思俱迷舉頭紅日碧波盡  
極目孤雲秋鳥齊命鶴便應遺赤縣升槎誰更數青溪  
清朝職貢窮天覆正喜邊關無鼓鼙

見舍弟輩小試文字喜而有述

澄明樓閣水縈回玉几牙籤鎮日陪煙壑春催鴻鴈起  
竹林風引鳳凰來丰姿璩瑒離塵立文藻機雲稱意裁

視草獨慙虛夢久早聽英輿動金臺

與汪汝器宿翠山寺次韻紀事

梵門清對碧溪回更有風流地主陪携酒松庭看月上  
烹茶石鼎引泉來家聲共續徽猷緒堂扁仍看秋閣裁  
一宿山中心境別夢隨威鳳入瑤臺

是夜夢脩竹一枝出雲霄之上題詩

有風起雲霄切太清之句次日得報起復四川

哭裘氏妹

四首

聞說歸寧自澣衣老親含笑倚雙扉百年桑梓臨相見  
萬古乾坤遽永違棠棣春榮空有夢鵲鴝風急竟無依  
姬江不盡東流水每日西瞻淚幾揮

姊嘗夢予有顯陟喜而相告



重泉不是往回途終古嬋媛失女嬃七十爺娘愁慘慘  
半暮兒女泣呱呱幾人浮世親兄弟獨汝英資女丈夫  
骨肉凋零容髮改又堪揮涕向魚鱗  
幾番勞役爲吾親萬里西征仗汝身白日應知人事苦  
皇天不照我心仁啼鳥暮下橫山麓野艇秋移舜水津  
彭澤解官綠妹死封意重擬達

嚴宸

故家遺澤頗流馨惟有班姬最淋靈妙語自能符訓典  
幽姿元不受丹青葛覃賸罷心偏苦柘館悲餘思獨醒  
萍梗百年慙我在悽然千種話誰聽

丹徒旅泊有懷萬氏西溪

聞說西溪景趣賒  
美人相引入煙霞  
白雲山腹半藏竹  
青靄石橋深護華  
龕影夜堂舍利聲  
高閣飯胡麻  
大江回首今千里  
飛夢時時到九沙

張文定公四友亭集卷之十四

張文定公四友亭集卷之十五

七言律體

苦雨谷東沙井次韻 二首

澤國夏來長惡濕却翻東海浸西疇  
一年誤爾尊中綠十日奪吾江上洲  
淮南休歌虎豹穴漁父自愛鸕鷀舟  
記得少年賓出日白玉堂前丹鳳樓

埋沒東南芳草洲  
雨師心事欠休休  
水深空吟獨漉賦  
路阻不盡張衡愁  
猶有鹽梅存燮理  
漫憐瓜李正沉浮  
霾陰白日豈終蔽  
酒醺蔬盤聊爾謀

觀漲次東沙井次韻 二首

六月猶連五月雨坐嘆江海漫田疇幾竿脩竹列荒徑  
三寸青苔標遠洲消遣寂寥無一事支持天地有孤舟  
何當晚霽出新月上下清輝涵石樓

不見江南白鷺洲彌天風雨幾時休魚兒撥刺鸕鷀喜  
花事伶俜蛺蝶愁越水吳江此日混瀟湘洞庭何處浮  
比隣欲去嗟無路入室空爲斗酒謀

又戲走筆

陰霖一月百不遂謾學前人說四休桑穀凋餘弱女歎  
梅梨覓盡癡兒愁乾坤老去失青貯風雨悲來娛白浮  
丈夫懷憂極寰宇豈逐鷄窺爲身謀

雨漲不歇懷定齋都憲二首

出門無路問蛟虬積雨空林試筆疇騰有深寒銷伏暑  
曾無塵事及滄洲雲師太擅陰陽柄海若欲移天地舟  
憂國老臣伊傅手濟川須下夾村樓

霖潦朝朝蕩海洲箕疇當屬咎邪休即看社鼓千村急  
不減汗萊萬室愁烏雀飢疲甘寂寞鳬鷗歡喜劇沉浮  
孤舟野渡橫終日誰向東山問國謀

喜晴柱東沙叔詩又疊前韻二首

湖頭被雨惱不徹忽有霽景清郊疇天邊崢嶸出萬壑  
海外分明見十洲金峨山前碧玉流木蘭之枻沙棠舟

百幅蛟綃一壺酒葛洪僊我棲星樓

策杖紅園枕樓閣荷取適意無行休老大方知性不染  
古今獨讓天無愁煙回海色碧峰出風颭江紋斜日浮  
聚散陰晴各有定時來了不關吾謀

又疊東沙叔喜晴韻

四首

皇天恒雨問無由霽月今宵悟禹疇吹笛仙人過鳳苑  
弄珠神女下瀛洲詩成坐愛玄暉練夢穩輕移太乙舟  
酒罷稍須禁逸興明山惟恐破烟樓

玄機眼底分明露詞圃誰甘寂寞休即有晴暉能送喜  
可無詩句併祛愁摩空翠壁千尋出際郭黃雲萬頃浮

風景極知新霽好登山臨水豈須謀

四明山高高絕在欲往登之將共疇泥雨深埋石橋路  
霏煙忽歛蕪葭洲細嘗東鄰竹葉酒買入西港鱖魚舟  
徘徊石窗酌北斗蒼霄俯視千岑樓

平生懶惰絕人事覽勝探幽老未休造物於人各有分  
皇天付我元無愁青山娟娟玉蟾吐碧海朵朵芙蓉浮  
十日陰霖一日霽君今不樂將焉謀

荅新甫疊韻

吾家兄弟爾豪宕擊鼓投壺醉不休白日閒來有佳訊  
黃金散盡無疑愁寧爲犧尊廟堂用豈作大瓠江湖浮

張定公集卷之五

三

形不覺有去聲近屈月夕思弄言

又疊韻答東沙叔 六首

簷前暮色遽如許寺宿山行未擬休  
倚馬揮毫宿有興  
剗羔伐鼓今何愁騰霄鶴鶴霏煙薄  
曝日龜鼉激艷浮  
機巧百千看日拙只輸沉醉是工謀

青門望晴已彌月乍喜潦水收  
仄疇風入長松淨溪壑  
波搖赤日明滄洲教子敲針學垂釣  
呼僮編筏替乘舟  
憑君莫問塵中事盡是登州海上樓

豹出南山霧雨歇茫茫下土承明休  
千家萬家歎作稔  
今日何日歡更愁碧樹清薰獨鶴下  
澄沙細草孤烟浮



蓮花白載竹葉艇請君莫寢遊行謀

江上見晴動百感補天手段終誰疇黑霧推還翡翠閣  
洪流讓出芙蓉洲世事渾看類野馬我心久矣同虛舟  
華星明月不解飲一似背山高築樓

爲人性拙薄生計年年種秫陶翁疇林霏新開檜竹徑  
江鳥自上滄浪洲明月官中修桂斧清風溪上采蓮舟  
石窻玲瓏石壁粲洪厓謂我公家樓

平生好游不好飲把醖不過三五休絕壑危巔有真趣  
養恬致虛無客愁天光乍逢此日好百年自信吾生浮  
逝將避暑竹林下步兵厨頭差可謀

舟發淮陰簡馬柳泉巡撫胡南津亞卿潘熙臺  
都憲蔡合江學士楊堯湖通政

小住淮陰又浹旬  
齋船回首一勞神  
良辰勝地如先約  
賓館櫺盤總故人  
晴日正消河朔凍  
東風欲動柳條春  
鼓鼙不用憂西北  
滿腹雄韜見老臣

房村夜泊 二首

一別詞垣感歲年輕  
舟今日更朝

天夢回越國三千路  
春動齊東七十泉  
轉舵沙灣知水急  
落帆村柳見星懸  
王人望斷寒宵永  
楚水淮尊對不眠

樓船侵曉發長干已遇條風報臘殘  
鴻鵠自紆千仞思鷁鷁惟解一枝安  
沙塘近海孤流急郭店邊淮片月寒  
三十四年牢落地夢中容髮鏡中看

滕陽元夕遇雪

滕陽館前值元夕同雲四野飛瓊花  
火城星橋未足數瑤樓玉宇真堪誇  
千房山頭赤松下項籍城南春草賒  
風薄重裘類輕葛眼中柰爾無衣家

立春日得雨

齊暎不雨五越月此日四山雲氣來  
大野粼粼蘇霖霖長途車馬息塵埃  
何人爲作喜雨賦有興欲土歌風臺

薄暮慈幃幸無恙笑呼兒女進春盃

陽峰

爲張學士  
賦

曾辭金馬下南荆獨倚陽峰聽鳳鳴  
京國文章傳太史泮宮絃誦集諸生  
疎篁遠透青田色明月長流漢水聲  
從古地靈人自傑玉扉朱紱稱佳名

仰宸樓

陽峯所築以  
藏碑書者

地近長沙殊賈誼筆生華朶類江淹  
掖垣視草星辰近飛閣蔽晝雨露蕪  
蘭苑彩霞明錦帙江浮紅日動牙籤  
五經臚笥孤忠赤長侍  
君王百不嫌

鍾戶侍復姓

憑時倫理推心術宜爾佳名久于傳譜系千秋迷更復  
仙源一派斷仍連即看恩露霑天表隨見仁風洽海堦  
自言流光緣德厚爲君賦詠綿綿

桂洲宗伯與序菴閣老對雨東閣有詩見示因  
次韻

曾勤物色傳蠟扉霖雨携將入太微聲散九霄天發籟  
暑銷三伏地旋機風雲正藉尚書履膏澤偏霑上相衣  
忽訝明珠五十六鳳池擎出電交輝

除夜次兀厓韻

旅懷今夜未成眠  
雪晃孤燈對簡編  
世路幾逢青眼客  
韶華奄擬白頭年  
長憐禹績垂千古  
况覩堯光被八埏  
坐想化機無滯迹  
便從新歲滌陳愆

除夕簡王原明

酌罷新醪睡未能  
青燈坐惜歲華更  
北堂萱艸乘春茂  
西院梅花映雪明  
院先一月道  
海內隆平看鼎鼐  
眼中臧否愧銓衡  
可人寄跡南城角  
瞻望如聞笑語聲

送王原明

幾回望汝越江城  
忽漫相逢喜又驚  
萬里巴河萍梗跡  
十年京國戾戾情  
烟華日駐千巖色  
堤柳春催百鳥聲

人事可珍惟孝友綵衣歸去善承迎

祀

陵

次小泉司  
空韻

王露金風松栢林層壇層閣氣陰深

九天聖爽居歆地五夜廷僚對越心  
山作駿奔龍肱壯岡如鸞舞寒雲沉  
小臣廿載重瞻謁明月華星感素襟

送少司馬錢桐溪出撫嶺

涼雨香山淨宿烟潞河新有下灘船  
周王御宇三監重漢相行邊七政懸  
臺月夜鳴瓊海鶴戟霜寒映嶺南天  
極知名德紆

宸眷京國旌旄望早旋

中秋枉朱齋學士招於靈濟道院翫月次韻

風景寰中第一宵

帝城仙院路非遥幾年不作瀛洲會此際真憐物外招  
塵淨六街初歇雨星羅雙闌正回杓酒深道士還相勸  
清淺銀潢動玉簫

贈易欽之歸省

清秋京國整萊衣見說蘭橈亦擬歸海內與君同意氣  
天南那復異庭闈鳳銜

丹詔來晴畫鶴領卿雲度翠微最喜上堂嘉慶畢春風  
常棣有光輝



辭朝

八月十六日

日日都門憶故鄉  
臨辭金馬却徜徉  
江南已覺庭闈近  
天上仍霑雨露香

先八日賜路費

水性百迴終會海  
葵心何地

不傾陽唯憐自負

君王久回首  
鑿坡恨轉長

九日臨清舟中

何處華開獨不見  
秋光亦自滿江皋  
客心惟愛故園好  
佳節不知人事勞  
簾外水聲迴曲浦  
煙中樹色遶荒壕  
憑誰欲覓登臨地  
落日青山空興豪

過濟寧

漢唐屈物益堪傷  
暴骨浮尸道里長  
灰燼盡  
濟河水黑  
案糧無壅渚沙黃  
殺人豺虎心何慘  
誤國姦諛罪可量  
愧我有官稱禁近  
却憐無路達

君王

晚泊淮安

樓船東下免雲羅  
掛席長淮一嘯歌  
戡歟人煙非舊日  
秋深風景但蒼波  
夕陽天外征鴻杳  
青卅湖邊宿鷺多  
明發一盃辭鐵甕  
看山看水過涇河

大雷山懷舊

二首

十年重到大雷山  
依舊鷺華白  
晝閒細艸遠連春  
澗綠

欲向澄江問消息可無人似謝玄暉

感懷次天宇兄韻

邊關胡騎正啾啾慘淡西風白日幽道在自應天下服  
師還那合禁中畱太原出將皆中策霸上也軍直浪遊  
山外有山歸未得斜陽獨立思悠悠

送惟靜并西行

岐路徘徊意慘悽更堪寒雨灑征衣幽懷歲晚相知少  
樂事鄉園別後稀行處湖山春動色興來星斗夜生輝  
鵬鵬目是層霄物今日榆枋只暫依

送學士質先生出掌南翰

凝望仙舟興欲飛  
宦途蹤跡此行稀  
江東舊事惟南史  
天上新恩自北扉  
路遶白雲春動色  
夢回清禁月流輝  
主亭深處浮塵絕  
吟對青山願不違

次韻答馮景祥年兄山莊坐雨

四首

海內同心總近隣  
槎川誰厭厭舟頻  
長憐仲蔚門無客  
空擬陳蕃榻有人  
菊圃正饒寒歲稔  
田新足壅頭春  
多情最是閒風月  
來入山莊不礙貧

征禽飛倦且歸山  
人世難逢未老閒  
板屋西風慙傳築  
柴門秋雨學陶關  
幽懷欲悟神仙訣  
逸興時開造化慳  
莫怪強年無一事  
高堂勝得舞衣斑

積雨荒邨夜未朝。王壺銀燭等閒銷。請看林壑顰蓬髮。  
堪笑風塵五斗腰。雲耿耿時頻感舊山。下丁處每逢樵  
寒來草木蕭疎甚。坐愛籬花不易凋。

長安釋褐皂綸巾。並轡春風雨露均。名到不磨須脫俗。  
眼窺無朕始探真。馮唐到老官終小。杜甫驚人句復頻。  
幾日山莊吟白髮。未緣相訪獨勞神。

蒹葭候潮過北渡

蒹葭淺浦聽潮生。江口微風正晚晴。天淨鳥從屏裏度。  
月明人在鏡中行。開尊竹葉乘春老。轉棹桃花入水輕。  
賈客趨虛爭渡急。不知誰遣野舟橫。

送周二尹之餘干

登臺何處響綿蠻千里餘干指顧間  
絕見天兵獵狐兔更逢時雨洗江山  
溪花爛熳魚搖赤陵麥青榮雉隱斑  
此日絃歌應遍野春風下馬一開顏

三月廿二日承西江先生招賞牡丹詩以謝之  
奇花開處景常新陡覺羣英總效顰  
雨露有私偏渥寵乾坤何意鬧粧春  
楊妃妙舞能娛主西子含歡不避人  
最是仙翁知愛客日沾清酒醉親鄰

雨後訪戴秉誠親丈

南河積雨漲成江閒放輕舟過野杠  
剡水風煙渾屬戴

鹿門禾黍久淹龐過墻翠條鳩呼獨滿徑蒼苔鷺下雙  
別去不知天欲暝醉看涼月倚西牕

生日和叔父見遺之作

二首

昌黎文不照韓湘老阮風流日舉觴玉樹庭深歡正洽  
紫萸囊好意俱忘攻書每灼青梨火款客還開綠野堂  
將父報

君心未疚黑頭歸老任天長

幾度瞻雲在楚湘還家頻舉步兵觴花間小徑紆行樂  
松下虛齋習坐忘夕抱遺經營魏闢晨供春酒舞高堂  
時來忽感桑蓬意簾幙薰風坐晝長

疊前韻答惟靜三首

扁舟東下自荆湘  
水宿筵正舉觴  
鴻鵠九秋身獨奮  
驂騑千里思能忘  
鄉園暫喜親琪樹  
霄漢終應稅玉堂  
已負年華三十七  
高樓卧看水天長

山可耕樵水可湘  
宗鄰相遇且銜觴  
前程不向巫咸卜  
往事真同華子忘  
白髮未生還炙背  
黃金雖盡肯墮堂  
閒來學和陽春曲  
吟對南園夏木長

春來新釀已成湘  
飲到狂時莫計觴  
世事幾番渾似夢  
人生百慮不如忘  
花經細雨眠幽砌  
燕逐清薰遶畫堂  
醉眼獨看霄漢遠  
忽思鵬背海雲長



西山溪隱菴題壁

似與青山夙有緣  
今來偏值日暄妍  
攀花誤觸松梢鶴  
呼茗頻供竹底泉  
主意濃時休問畧  
僧房幽處試聽禪  
春風細拂如茵草  
乘興何妨一醉眠

喜雨次林父韻

桔槔聲裏萬家心  
百坵難求六月霖  
一夕溫風催海氣  
五更涼雨雜鍾音  
簷垂白練搖幽砌  
渠漲清湘映遠林  
生意滿前人自得  
太平雲物稱登臨

雨中柬張應辰

携得雙柑空遠興  
黃鸝無語碧桐寒  
石橋芸閣客應卧

苦雨酸風春欲闌  
狂飲直思江變酒  
豪吟長以籜爲冠  
草深泥滑出門去  
人在比鄰相見難

和叔父西遊之作

西津疎雨放輕舟  
新水真成汗漫遊  
夢想雲山終得意  
嘯歌風月總爲儔  
江光動處如迎客  
春色濃來欲醉鳩  
多少眼前名利子  
不如沽酒洗乾愁

次韻寫懷二首

故人別我甬江東  
酒盞茆堂日夜空  
一夕催詩仍有雨  
半牕揮翰倏生風  
簾前香靄雲千頃  
鏡裏清涵玉幾叢  
對此直須終日飲  
莫教庭院響秋蟲

處世真同不係船寧論誰後復誰前新交載酒來芸閣  
晚輩携書向木天綠樹幾行晴亦雨碧山千里斷仍連  
行聞擊壤人人樂合釘盤盂慶有年

懷蕉

少小堪憐陟岵情當年何術制頽齡山中空對暮雲黑  
江上獨餘芭葉青未寫新槭愁暗結欲裁團扇涕交零  
無端徹夜蕭騷雨吹入秋牀不耐聽

憶四明山

何事孤飛興未降名山元只在吾邦金烏弄彩輝丹壁  
銀漢流聲度石窻方朔獻桃羞短袂洪厓供酒駐飛幢

西南只尺天台路來馭雲輶白鶴雙

約過板橋未果柬諸宗長

竹院尋僧阻舊要板橋東去路非遙塵封玉蕊心先醉  
露冷金莖渴未消瀛海有人秋駕石秦樓何處夜吹簫  
火雲臺閣炎州地書遍窻前葉葉蕉

憶錢湖

赤堇山外海雲飛我欲東游事久違百里湖波照霞嶼  
一雙鷗鳥上陶磯雨餘蓮子房房實秋到凋菰粒粒肥  
安得沙棠舟十丈與君同泛月明歸

喜雨次惟靜叔韻

七月炎威不可禁日斜南畝望雲心洗天風雨催秋急  
倚竹樓臺納爽深已覺舊盟寒石徑仍勞清夢繞山陰  
俱逢樂歲昇平日尊酒還歌蟋蟀吟

秋日次良甫韻

晚來瀟灑步秋林昨夜風疎幾樹陰明月一川烟水澹  
美人千里鴈魚沉扁舟未盡表宏興高閣應悲庾亮心  
欲問孤雲向何處露寒江郭萬家砧

壽梁竹邨先生

罌脰湖邊似鹿門故家文獻典刑存江山短棹追高賞  
今古青燈聽細論清世一迴週甲子芳辰千首納乾坤

黃花滿地塵如洗携榼長懷過竹邨

馮景祥年兄以和所杜秋興八首見示強賡答

之八首

江郭風高涼滿林  
空樓閣萬峰森  
人間律應鍾山麓  
天上橋通漢水陰  
鳳不忘棲竹想孤雲那識捲簾心  
東溟絕岬勾章國  
片月光寒處處砧

郢樹西風怨日斜  
越江清旭際重華  
九天臺閣相如草  
千里滄瀛博望槎

金闕曉鍾班鷺羽  
玉關宵柝靖胡笳  
十年前事剛如昨

落絳明光散墨花

明光漢宮殿名

秋潭日日漾清暉，忽憶瀟湘覽翠微。  
軒車隨處看雲飛，力同精衛心偏苦。  
吟到陵陽俗每違，灑露一枝蟬自足。  
席門糠粃但癡肥。

世路紛紛效累綦，豺狼適死竟誰悲。  
長安尺霧橫天日，南國孤臣避地時。  
晴樹幾家絃管沸，美人千里鴈魚遲。  
江空象緯澄輝色，卧病丘園感夢思。

千官廷祝效嵩山，獨立鈞天鼓敝間。  
每爲雲鴻驚節序，却辭金馬出江關。  
曾參自抵周公業，巢父寧慙伯禹顏。  
最是歷年棲鳳閣，猶餘清夢遶鵷班。

金風銷暑鳳池頭，經幄青宮啓素秋。  
萬國共靈虞帝德，

長空一掃杞人愁  
築平仄圃收田稼  
納盡官租戲海鷗  
誰問

君王誦無逸來傳幽雅四明州

六載湖南耻奏功  
獨將蘋藻薦隆中  
疎篁半染湘妃雨  
衰草俱搖宋玉風  
漢水龍興衡嶽紫  
君山霞落洞庭紅  
韶光共歎身如客  
青鏡仍看髮欲翁

層閣閣道逶迤迤  
翡翠樓高映月陂  
黼黻兩階傳玉薤  
珊瑚千樹擁標枝  
龍圖梓柱晴煙簇  
象捲珠簾晝景移  
今日舉頭天萬里  
請看鵬翼似雲垂

南樓晚眺

次韻谷良甫



絕見池塘春草生忽看庭桂已秋清長風未了飛車興  
高閣誰禁落帽情滿地黃花開有意一行鴻鴈去無聲  
雨餘新水湖頭足盪槳今宵弄月明

壽邵清之翁七十

瀟灑明山鶴髮翁杖藜隨處引清風寫懷旋積新詩草  
濟物時探舊藥籠潮送江聲喧笑語華將秋色淡房櫳  
綺筵多少蓬瀛客沉醉湖亭正晚鴻

壽翁菴陸公八十

湖天何處擁笙簫湖上仙翁福自招貓乳更傳韓愈筆  
鳳鳴齊叶舜廷韶鶯花二月春無際雲水三韓路豈遙

清酒百壺人獨醒  
惠風遲日對松喬

張文定公四友集卷之十五